

夏口縣志

李昌譽
署籤

地 260.19
41
印 = 1240



91.53/16
001.1



夏山茶志

李昌巽言署



志

一

夏山茶志

古書皆史史外無書蓋史以記事而徵文
考獻尤莫備於志志核其實史撮其崖匪
志則事於何述故先王經紀萬邦辨土知物
不下堂階而燭照萬里蕭何入閩先收圖
籍具知山川險要卒為興漢功首以西僻之

序

區猶不可忽矧屬通都大邑梯航輻輳又
為扼要之地使典章文物與年俱湮亦有
司之恥也侯君筱汀來牧夏口勤修職事
百廢俱興春自參政江漢指臂攸資迺以從
政之暇深慮文獻之無徵爰召薦紳或授

筆札或事蒐輯逾年而告成徵序於余余因有感焉天道每十年而一變余前後三蒞斯地始闢航路較前之僅通舟楫已增盛矣繼紉鐵軌官商益集冠蓋往來奢靡日趨遭辛亥兵燹半即坵墟爾稍凌替矣今乃踵事增華駿興津

序

二

滬埒三邑而三變焉盛衰迭更至不一轍俯仰易成陳迹掌故益慮荒淪不可不修者一亞歐雜處外交煩重尺地寸天闐闐日密中西肆厥角膝爭奇來百工柔遠人故實尤宜精核不可不修者二夏口舊隸漢陽今既改廳為縣視漢陽舊

志因中有創且既條分區域記載未必盡同不可不
修者三地當往來孔道上控荆湘下引皖贛為長
江之襟吭亡秦必楚自古已昭龍爭虎鬪代稱
起義之區世變相乘遺文播於灰塵不可不修者
四綜此四要益以三長文章政教燦然備具俾後

序

三

之讀者知所考焉是殆抱鄴侯之偉志具宣
聖之隱衷而拳拳於風土人情亦可見侯君勵
精圖治之一端也江漢道道尹前翰林院編修
國史館纂修南豐張履春序



夏口縣志序

方志之作權輿於縣所以別疆域紀風土昭仁賢顯治績稽物產而存故事也秉筆者因易而創難無所憑依則不免於嚮壁虛造昧夫限斷或且等於隔垣見人未宜綴諸前策者常

志

序

一

患乎多堪以昭示來茲者復苦其少此採訪之難也昔人之所彙揮徵諸祖籍而已佚乙篇之所引證覈之甲部而不讎溯其源流雖博閱而莫逮析其疑異即精識而終懵此攷訂之難也事屬茫昧託始則近於誣言不雅馴潤

色則牴牾偽綜括體要立幹維艱掇
拾叢殘祿沙徒因此裁製之難也若
夫宗舊籍以續新篇本成式以傳近事
榛觚染翰宜若易然而體例未必盡
同成書未必盡當蒐討遺闕糾正清
訛則因者之難固亦不殊於創矣夏

口昔隸漢陽有清光緒二十六年始設廳
治民國初改廳為縣而縣之名稱胥定
顧自設廳以來逾二載未有專志乙卯
秋祖畬承乏是邦與邑之薦紳商略及
之於是籌經費設志局斟酌古今規
定法式以斯志紀分割之始是以創而

兼因當締造之年則有難而無易况
乎上游震盪雲雷方屯固不敢謂需之
歲時而全書遽能斷手也不謂在并之
間春秋四嬗祖畬守先人之訓黽勉在公平
穀屢登人民順序暴徒釋兵而弗擾隣
邦舉燧而無驚俛仰之餘獲免咎戾而

諸君子於是時蒞篋陳書赫膏繼晷廣
徵求於耆舊殫心力於才賢既移并前
志以述曩篇更網羅近聞而為新製時
序滋久著作以縣庚申之秋遂竟厥事
斯誠地方之幸而簡牘之光矣余受而
讀之書凡二十有二卷分綱十七分目九十有

二叙述详前體例謹嚴以視同治以來新
修諸縣志有過之無不及洵足以抗手前哲
垂示後賢祖畬於編纂無能為役惟念我
先祖考學古入官治績相引所至以徵文
考獻為急今余小子忝竊一官絙之歲月
獲觀斯志之成循省微躬默自慶幸乃

志

序

四

綜撰述之大要序而誅之時庚申冬十月也

縣知事南皮侯祖畬序



光緒二十四年南皮張文襄公督鄂奏言漢陽縣屬漢口鎮古名夏口為九省通衢夙稱繁劇咸豐間開通商口岸華洋雜處事益紛煩縣署中隔漢水遇有要事奔馳不遑自非有正印專官駐紮漢口不足以資治理請將漢口同知改為夏口撫民同知漢陽所轄襄河以北之地北至灑口西至涓口橫約一百二十餘里縱

約三四十里撥歸管轄下部議行是為夏口創設廳治之始民國元年定各府廳州皆改併為縣是為今夏口縣治之始距與漢陽分治時蓋二十三年矣黃河橋成鐵路早由漢直達京師嗣興築川粵漢鐵路以漢口為綰轂之區長江上下游輪船往來如織率皆集中於是南北各省行旅所經由商貨所輳聚隱狀

為中國一大都會前人有言最爾國何如壯
我縣斯足以當之矣設治以來闡闡之日關
工廠之日興視昔何啻十百倍各國租界比
次交涉日繁頻歲軍興徵發饋輸咸當其
衝要武漢自古稱形勝地今則軍事而外尤
繫夫邦交民政之中特饒夫商業網羅紀載
所貴及時雖為一邑之志乘不僅資一邑之考

稽也呂君菀村奮然有志力任修纂成書
凡二十二卷為目九十有二手訂凡例二十五條
大率依據同治八年漢陽縣志詳加釐晰舊
志以後乃限斷今治採訪賡續其門目則斟酌
損益務歸至當兼師他志之長如實業
交通商務交涉四目皆昔無今有在夏况為
犖犖大者君蒐採猷詳又復著之於例洵特

識已文烈久勞於外舊學荒落遠承商榷愧
無足貢其區區桑梓之華竊所景跂聊疏
大略以質通方民國九年五月內務總長
邑人田文烈序



夏口縣志并言
攷之漢志京都注云東漢水受
丘澗水一名河過江夏謂之夏
水入江夏口得名以是即春林
傳之夏汭本在江北自吳大帝
築城黃鵠山東北名夏口夏口
之稱乃迆江南而漢水所出專

志

序

一

名河口伊尚之曰謂夏口在荆
江中正對河口樊寔河口即夏
口其齊梁間曰漢口常為兵衝
隋唐以還率隸漢陽號巨鎮以
迄于今前清光緒二十五年張
文襄公改設專廳臬政變廢廳
稱縣云歲甲寅開清史館於京

附符徵各省方志一時省縣諸
志咸事敢稽刻歲要成以資糧
正史而夏口夫於是敝局董其
況者為呂莖邨廣文廣文邑耆
宿其先是廣文挑纂大凡馳藁
衆權受而讀之細目舉如某
不效兼久羈外网習於時情證

志

序

二

古易而切今難何敢憑臆駕說
羸頤茲事顧重以廣文之斬自
穎信不啻謂余其善下如是即
又安得閱其瑩燭之見以負賢
者謚諉之公曰還其藁以籤所
疑附質之初未審其果有當焉
否其自是歲餘余弟希如謝榮

澤篆歸廣文延任襄輯越再歲
爰鱗厥成將壽梓斧屬某弁言
於義夏無可辭竊以謂夏口為
邑縮九達之衝舟擊轂互材騰
流輸商國其驅江上漢霸武橫
驍又兵地其此其關係劇巨例
已揭藥於蕭無係為駢拇蛇足

志

序

三

之論也餘件繫條引靡可一二
詳矣惟肇源緣始與夫編訂首
訖之與有聞焉者述其物略而
已抑王仲宣有言鍾儀幽而楚
奏莊舄顯而越吟某生長是邦
不幸而遭亂流離無一椽自茲
遂乃留滯周南鄉土之感豈絕

於心今且澌湘楨馮主者一不
慎鋒燹之慚漢口尤岌二其憤
慨當復伊如況乎聚族其間風
雀悽逼朝警夕悴其所以為秀皇
熱歎掩卷而弗能自已者夫又
安忍言其庚申五月前翰林院
侍講員人李哲明

志

序



四

凡例

夏口縣志卷首

一夏口舊屬漢陽此次纂修邑志自應接續同治八年漢陽縣志次第編輯但既爲夏口縣志卽非續修漢陽縣志宜有區別疆域沿革無難按圖稽考惟人物列女最易混淆茲特縷晰條分以清眉目

一是編分綱十八目九十有一中有四事爲他志所無者曰實業曰交通曰商務曰交涉非矜創例也維新之政不得不鄭重書之

一縣志多載星野往往爲有識者所譏評茲遵武功志例不載天文

一方志輿圖最關治要舊志圖取其方只載明四至八到比例不明茲特用新法繪具全圖斜長迂曲各因其地庶一邑之形勢

志

凡例

及鄰封犬牙相錯之區莫不瞭然紙上

一左圖右史圖繪之學考古者所必講也茲於縣境全圖外列漢鎮街道圖紀興築也列租界圖重交涉也文廟公署及各學校商會慈善會馬廠各繪爲圖紀其建置年月俾世守勿替至八景乃各志陋習概從略焉

一風俗土物只擇歷代有關風化者書之如漢口竹枝詞語極浮靡概不闌入至本鎮爲通商要區向無特別產略爲登載以備一格

一職官未分治以前縣令學官備載以舊歸統屬也自丞尉以下惟駐夏口者書之武職亦然

一官師之遺愛在民及能扶持名教者必有興除作育之實績方爲立傳現存現任者不預